

BOSNA I HERCEGOVINA  
FEDERACIJA BOSNE I HERCEGOVINE  
OPĆINA LUKAVAC  
OPĆINSKI NAČELNIK  
Broj:02-05-1795/16  
Lukavac, 06.01.2017. godine

Na osnovu člana 64. stav (1). tačka b), člana 88., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj:02-05-1795/16 od 05.01.2017. godine u konkurentnom postupku nabavke sredstava za održavanje higijene zgrade općine Lukavac, Općinski načelnik d o n o s i

### **O D L U K U** **o izboru najpovoljnijeg ponuđača**

#### **Član 1.**

Prihvata se preporuka Komisije za provođenje postupka javne nabavke broj:02-05-1795/16 od 05.01.2017. godine i ugovor za nabavku sredstava za održavanje higijene zgrade općine Lukavac za 2017. godinu, dodjeljuje ponuđaču „COMAPNY-DIS“ d.o.o Tuzla, ponuda broj: 100-120/16 od 23.12.2016. godine za ponuđenu cijenu u vrijdnosti od 2.442,25 KM bez PDV-a, kao najpovoljnijem ponuđaču.

#### **Član 2.**

Ukoliko izabrani ponuđač u pisanoj formi odbije potpisivanje ugovora, propusti potpisati ugovor o nabavci u roku koji mu odredi ugovorni organ ili odbije zaključiti ugovor pod uslovima navedenim u tenderskoj dokumentaciji i ponudi koju je dostavio, ugovor za javnu nabavku dodijeliće se drugorangiranom ponuđaču u skladu sa članom 72. stav (3) Zakona o javnim nabavkama.

#### **Član 3.**

U skladu sa članom 98. stav (5) Zakona o javnim nabavkama BiH ugovor o nabavci dostavit će se najpovoljnijem ponuđaču iz člana 1. ove Odluke u roku od 10 (deset) dana od dana dostavljanja Odluke o izboru najpovoljnijeg ponuđača.

#### **Član 4.**

Ova odluka objavit će se na web - stranici ugovornog organa ([www.lukavac.ba](http://www.lukavac.ba)) istovremeno s upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

#### **Član 5.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 02-02-1-1794/16 od 07.12.2016. godine. Javna nabavka je sprovedena postupkom konkurentskog zahtjeva za dostavu ponuda. Procjenjena vrijednost javne nabavke bez PDV-a je 4.100,00 KM.

Obavještenje o nabavci broj: 719-7-1-78-3-60/16 objavljeno je na Portalu javnih nabavki dana 08.12.2016. godine.

Komisija za provođenje postupka nabavke imenovana Rješenjem broj:02-05-1823/16 od 12.12.2016.godine dostavila je ugovornom organu-općinskom načelniku Zapisnik o pregledu i ocjeni ponuda broj:02-05-1795/16 od 05.01.2017. godine, Preporuku o izboru najpovoljnijeg ponuđača broj:02-05-1795/16 od 05.01.2017. godine i Izvještaj o radu broj:02-05-1795/16 od 05.01.2017. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da je u predmetnom postupku primljeno šest ponuda,
- da je blagovremeno primljeno šest ponuda,
- da nije bilo neblagovremeno primljenih ponuda,
- da su ponude ponuđača: "R&S" d.o.o Vogošća, "PČELICA M" d.o.o Tuzla, "PLAN PLUS" d.o.o Zenica, "COMPANY-DIS" d.o.o Tuzla, "DEFTER" d.o.o Sarajevo i "ALFADIVIT" d.o.o Živinice kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način.

U postupku ocjene provedenog postupka, Ugovorni organ nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju utvrđeno je da je ponuđač "COMPANY-DIS" d.o.o Tuzla dostavio prihvatljivu ponudu sa najnižom cijenom u iznosu od 2.442,25 KM bez PDV-a, koja je u odnosu na kriterij za dodjelu ugovora (najniža cijena) ocijenjena kao najpovoljnija.

Iz navedenih razloga, primjenom člana 64. stav (1) tačka b) Zakona o javnim nabavkama, člana 89., člana 70. stavovi (1), (3) i (6) Zakona o javnim nabavkama ("Sl. glasnik BiH", broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke ("Službeni glasnik BiH", broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

#### **Pouka o pravnom lijeku:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavlje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac.

Žalba se podnosi u najmanje tri primjerka.

#### **OBRAĐIVAČ:**

Edin Bektić

#### **Dostaviti:**

1. "R&S" d.o.o Vogošća
2. "PČELICA M" d.o.o Tuzla
3. "PLAN PLUS" d.o.o Zenica
4. "COMPANY-DIS" d.o.o Tuzla
5. "DEFTER" d.o.o Sarajevo
6. "ALFADIVIT" d.o.o Živinice
7. Evidenciji i
8. Arhivi.-



**OPĆINSKI NAČELNIK**  
Dr. Sci. Edin Delić